




Klub poslanika
Naša stranka – BH I KF

Клуб посланика
Наша странка – БХИ КФ

Broj:
Sarajevo, 22.05.2024. godine



Organizaciona jedinica	Klasifikaciona oznaka	Redni broj	Broj priloga
01	50-1	1021/24	

PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM

n/r g. Nebojša Radmanović, predsjedavajući Predstavničkog doma

Na osnovu člana 8. Poslovnika Predstavničkog doma Parlamentarne skupštine Bosne i Hercegovine ("Službeni glasnik Bosne i Hercegovine" broj: 79/14, 81/15, 97/15, 78/19, 26/20, 53/22, 59/23 i 87/23), podnosim

POSLANIČKU INICIJATIVU

Kojom se zadužuje nadležno Ministarstvo odbrane Bosne i Hercegovine da u roku od 30 dana od usvajanje ove Inicijative, izvrši donošenje izmjena ili dopuna člana 5. Pravilnika o uniformama Oružanih snaga Bosne i Hercegovine ("Službeni glasnik Bosne i Hercegovine", broj: 44/17), tako da omogući nošenje hidžaba, kao vjerskog obilježja, pripadnicama Oružanih snaga Bosne i Hercegovine.

OBRAZLOŽENJE

Pravilnik o uniformama Oružanih snaga Bosne i Hercegovine ("Službeni glasnik Bosne i Hercegovine", broj: 44/17) u članu 5. (Ograničenja vezana za nošenja uniforme) stav (3) normira da se "vjerska obilježja uz uniformu mogu nositi na način da ista ne budu vidljiva".

S obzirom da zabranjujuća dispozicija iz člana 5. stav (3) ovog Pravilnika onemogućava pripadnicama Oružanih snaga Bosne i Hercegovine da nose hidžab kao svoje vjersko obilježje, ovom Inicijativom tražim od Ministarstva odbrane Bosne i Hercegovine da izvrši izmjenu ovog stava, ili dopunu ovog člana, tako da normira izuzeće nošenja hidžaba od drugih vidljivih vjerskih obilježja. Neimplementiranjem ove Inicijative, Oružane snage Bosne i Hercegovine će demotivirati učešće građanki koje nose hidžab u Oružanim snagama Bosne i Hercegovine, te dovesti do situacije da službu napuste sve pripadnice Oružanih snaga Bosne i Hercegovine koje u svakodnevnom javnom životu nose hidžab. Također, implementacijom ove inicijative bi se prekinula dosadašnja diskriminatorna praksa kojom se građanke koje nose hidžab onemogućavaju služenja u Oružanim snagama Bosne i Hercegovine.

S poštovanjem,

Sabina Čudić

Zastupnica u Predstavničkom domu
Parlamentarne skupštine Bosne i Hercegovine